



Senin, 11 Nopember 2024

Ogen: Markus 10:5-9



TETAP ERSADA



Perpudi enda lit nge sibegi la sitik jabu-jabu si la ngasup mpertahankenca erkiteken erbage tantangan rikut permasalahanen siturah nderpa isi jabuna. La saja jabu si mbaru tapi si enggo ndekah erjabu pe la sitik si sirang. Adi singuda erkiteken lanai ngasup mpertahanken isi jabu, tantangan ekonomi, kesenangan pribadi ntah pe perselingkuhen si jadi erkiteken kegeluhen si konsumtif ras sidebanna. Jabu singgo ndekah pe bageka, mbarenda waktu anak kitik denga, igengken, kenca enggo galang, erdahin ras erjabu, iakap ulin sirang. Bagenda me kecibal-jabu-jabu ibas Masyarakat termasuk pe anggota ngawan perpulungen. Amin ibas perpulungen jabu-jabu, PA Moria tetap nge ibabai gelah paguh nteguh jabu e idalani.

Ketahanan keluarga jadi sada program siarus ilakoken jabu-jabu gelah perbulungen ndehara reh ngasupna mpersada arih ras meteguhi iketen padan ras pusuh gelah ngasup ngalaken erbage tantangan. La saja mpeteguhi keleng ate, kesetian tapi pe kerna ekonomi, kesehatan mental isi jabu ras sidebanna.

Lit ibelasken kalak pentar belas-belas nina 'Semakin kuat kesepakatan yang terjalin, semakin kuat pula kesatuan jiwa antar suami dan istri'. Kuncina eme pusuh si tedeken, keleng ate singeketca alu nteguh. Enda banci erbahan komunikasi ibas jabu reh ulina alu bage erbage masalah banci icakapken ras idungi.

Njagai kiniersadan jabu banci mesera kal adi tep-tep kalak ngukurken dirina jine. EMaka Jesus njadikan enda jadi sada pengajaren rikutken penungkuhen kalak Parisi siatena ncubai Jesus. Jelas ras tegas ikataken Jesus si enggo ipersada la banci isirangken manusia. Ibas jabu me ingan ngamburken kerina simehuli. Turah, pekena-kena ras erbuaulah.